

OMUKUETU

No:11

November

1955.

ELAGO LJOMEGULU.

Ehololo 7:13-17

Linima jomegulu oja holekua natango kumboka tu li kombanda jevi. Shono eho inaa'li shi mona nokutsi inaaku shi uuva, sho inashi ja momuenjo guomuntu, oshono Kalunga e shi longelele mboka je mu hoo-le. Nando iinima jomegulu nokukala kuamo otaku njenge ngeji oondunge detu, onkene tuu Kalunga ine tu indika okudiladila iinima mbijaka, aaue, oje okue ji tu hololele nokuli moohapu de. Osho ote shi ningi uo moteksti jetu. Tu ji taleni ano naua, opo tuua pukicue komatengeneko getu gouala.

Omuntu omunaluhepo oku uvite shili naua, sho tu uuvu, megulu kamu na ue ondjala nenge enota nenge uupiu uomutenja nenge uuvu nenge omahodi. Oku uvite, otaku kalua shili naua. Oku nombili nenjanju ljaaluhe Oluindji omadiladilo gomuntu otaga hulile uo mpoka. Ngele tatu tala naua oohapu da Kalunga, otu uete, enjanju ndika ljomuntu haljo oshinima oshinene megulu. Megulu omu noshinima shimue ashike oshinene shi vule ajihe jilue. Osho Kalunga muene.

Ongoka a ciki me'zulu, okua ciki muua ua Kalunga, koshipangelapundi she. Megulu kamu neipangelo ljomuntu. Omboka je li mo, otaa licua notaa uilikua ku Kalunga, oje li muusita nomepangelo lje. Opo mpoka ope negameno ljaau ne'oolo ljaau. Omusita omuuanaua sho te ja gamene note ja fala koocicija domeja gomuenjo. Opo mpoka ope na uo esimano ljaau, sho taa kala metsali lja Kalunga muene. Ando tu popje oshinima shika pashiuambo, ando tu tje: Kalunga ita eca aantu je ja kale kokule kehale, aaue, ote ja fala menielela, omondunja je muene. Esimano li cike, peni omuntu omucigona te li mono mpoka oje sho ta falua mondunda jOmukuaniilua, gaaakuaniilua nojOmuua gaaaua:

Ondu uuvu aantu jamue ja hala okutseja, ngele megulu tamu longua uo sha, nenge omu nevululuko alike. Evululuko ndjoka otali popiua pomaha ogendji mOmbimbeli, unene mepistoli ljokaaheberi montopolua ontine nosho uo mEhololo 14: 13: "Ojo otaa ka vululukua kuudigu uauo, oshoka iilonga jauo otaji ja landula pamuz najo." Omuntu omunanjalo nenge isheue ngoka a lolodua kiilonga ojindji kee hoole okudiladila iilonga je ji tsikilue sigo aluhe megulu. Onkene tuu moteksti jetu otamu tiua: "Ojo otaje mu jakula omutenja nuusiku motempeli je." Oshinima shika oshu uvitike ngini?



*Kahumba kandje hujaka
Megulu mui pOmuua
Ke neui kali uapa sha
Ljep indulo lja pua.*

*No tii ka hambelelela
OJesus eso lje,
E tandi njanjukililua
Ko'oolo ndjoka je.*

H. L. V. 550.



OMUNENE GUOMUSIONI.

*Omunene guomuSioni,
Gua David, ngoj' Omujapuki,
Esilohenda u li na,
Oonkondo doje di tu pa.*

*Ombili tue ji juulukua,
Neifupipiko ndjo lja pua.
Tu shitulula tu ku fe,
mOmbepo Ondjapuki tu nue.*

*Hosanna, tatu ligola
Noku ku taamba putse mpa,
Gua David, Mukuaci, u tu pe
Ehupico, Omuhoolike.*

*(Hengellisiä Lauluja ja Virsiä,
embo ekulu 310,
embo epe 3)*

*Lja lundululua ku T.E.Tirronen.
9/9/55.*

Mpaka otu nokujoolola naua pokati koshilonga nuudigu uasho. Kalunga sho kua shiti Adam na Eva, oje okue ja pe uo oshilonga moparadisa (Gen.2:15). Ihe omuntu sho kua jono, oshilonga she osha ningi eihepeko edigu (Gen.3:17-19). Otse mboka tu li megeelo limue pamue nookuku mbejaka jotango, ohatu njengua okujoolola naua oshilonga nuudigu uasho. Unene aantu mboka inaa mangululua kevangeli lje hupico, otaa tala natango oshilonga onguuinaji ua sha. Ihe oitaali ota mangululua na mpaka. Oje ita tala ue oshilonga osho egeelo, aaue, ote shi tala osho ompito ombuanaua jokulongela Kalunga. Oje oti imbi: "Longelo ljo muua oli na 'ndilo nejambeko 'lindji." Oje ta njanjukua, Kalunga sho te mu inekele iilonga jejakulo megongalo lje, noteshi tala elago enene, ngele oje ta pitikilua nokuli okujakula Kalunga megulu sigo aluhe. Oku shi shi, Kalunga kombinga je ita pumbua ejakulo ljomuntu. Osho esilohenda alike, omuntu ngele ta pitikilua oku mu jakula.

Oolje ano mboka taa pitikilua ko? Oteksti jetu otaji tu jamukula naua; shaa tuu itaatu tete ejamukulo ndjoka pokati. Ope na jamue mboka taa lesa mo: "Ojo mboka ja zi muuehame mbo uunene." Ojo otaa diladila: omuntu shaa tuu ta humbatele Omua uuehame, nena oku nokutaambelua uo puje. Ediladilo ndika oijo epuko enene. Ando ngaaka, ando omuntu oti ilongele eha megulu. Kalunga ota jeleke ngaa aantu je muuehame, ihe shimue ashike tashi vulu okujelica omuntu omulunde a jele. Osho ombinzi jOmukulili. Omboka Johannes e ja mono mehololo oja jogo oonguo dauo no je di jelica ombinzi j'Onzigona. Otashi ti: mekondjo ljaau nomuudigu uauo oja zi mo ja nika natango ontsi jevi, ihe megulu oja ciki ja jogoka noja jela.

Natse uo inatu diadila tatu ka cika megulu omoluudiginini nomolueididimiko. Shaa shoka sha njatekua kuulunde itashi ja mo nando okashona. Ombinzi jekulilo ojo ajike ji noonkondo okujoga po oonjata detu. Pitikila Kalunga a longe oshilonga she mungoje, opo e ku pitikile u mu longele sigo aluhe muua ue uomegulu.

E.J.P.



OMUKUETU

NOVEMBER.

OKULESHA.

Aatumua jotango sho je ja kOuambo, oja aada nkuka aantu kaje shi okulesha. Okulesha okua li inaku pumbiua nokuli, oshoka kakua li ku nomambo ga sha melaka ljaauambo. Aahongi ojo tuu oja taa meke oku ga njola noku ga njanjangidica, noja tameke uo okunongeka aantu ji ilonge okulesha. Ongoka ina tseja okulesha, ina pitikilua keshasho. Ejoloko limue pokati komukriste nokomupagani olja monika tuu mpoka, omukriste sho e shi kulesha, manga omupagani kee shi shi.

Pecimbo ljongashingeji oshinima shika sha fa sha lunduluka koombinga adihe mbali, Kombinga jaapagani otatu pandula ashike, najo sho ja tameke okupukululacana, ja tseje okulesha. Ihe maakriste omu nelunduko euinaji: momagongalo getu omu nojendji mboka kaje shi kulesha. Oshinima shika osha konekua uo kaakuluntu mboka ja talele po omagongalo getu omumvogu. Omukuluntutumo okue shi tala eshunduko enene muukriste uauambo, eeno, eshunomonima nokuli.

Eshunomonima lja tja ngaaka otali zi peni pecimbo ndika ljehumokomeho miinima ojindji? Pamue pe niinima ojindji nokuli taji taji vulu oku li eta. Mokuhokua eliko ljuujuni ohokue joohapu da Kalunga oja shonopala; onkee aantu itaa ihepeke ue, ji ilonge okulesha. Mokuendelela okuja kUushimba aamati ojendji otaa eca oskola, manga inaa longua naua ntango. Isheue omboka ja shashua kUushimba meulumo enene, otaa zi ko inaa tseja okulesha. NokOuambo uo taku kolekua mboka inaa guanica iilongua jauo, nando je nomagano okuilonga.

Oshinima shika itatu vulu oku shi zimina shi kale ngaaka. Itashi vulika aakriste mboka ja peua nokuli Ombimbeli ajihe melaka ljaauo ja kale kaje shi ku ji lesa. Aasitagongalo oje nokutala, aaheci naananjalo jaa pitikilue keshasho nenge kekoleko. Aakuluntu oje nokusila ojana oshimpuiju, ja mone eputudo lja guana. Omuntu kehe na holole ehumokomeho moshinima shika ngashi miikuauo uo. Aamati mboka taa taalele kUushimba naa dimbulukue: omuntu inaa putuka naua ita peua iilonga ja simana.

Oshifo shetu "Omukuetu" osha hala uo okukuaca mboka taa ideula mokulesha, noku ja pa iilushua jo oopala.



OMUPOPILI GUAAKUALUTERI.

Moomvula omilongo ndatu, okuza komumvo 1618 sigo 1648, muEuropa omue ende iita iinene. Aakatoli oja kondjica aakualuteri. Aakualuteri oja mono omupopili omunankondo, omukuaniilua guasweden Gustaf II Adolf sho kua zi koshilongo she naakuiita je ojendji. Isheue nisheue iita je oja sindi aakatoli muDuisland alihe. Molugodi lumue eti 6 lja November 1632 omukuaniilua Gustaf muene a jahua, ihe oje okua si omusindani.

Efano ljetu otali tu ulukile omukuaniilua Gustaf petameko ljugodi ndoka lua hugunina. Otatu mu mono mo ta kauile okakambe ke. Egala lje okue li kuca komutse nokua ligamene pombanda ta galikana O-

munankondo adihe guomegulu, opo oje e ja koleke mekondjo ljaauo. Osho ngeji omukuaniilua Gustaf okua tamekica aluhe olugodi kehe. Moku kondja aakuiita je oja kumidacana nokuiigida: "Kalunga pamue natse!" Miita je omua kala uo aasuomi oje ndji, oshoka pecimbo ndijaka Suomi osha talua ombinga jimue jomuSweden.

Muujuni uongashingeji inatu hala ue okupopila eitalo lju uuka nomatati gopantu. Otu shi shi, oohapu da Kalunga domombimbeli odo egongamuele lja tsa tali vulu okuhalakanica po elongo kehe ljepukico. Ando aakatoli je di leshe uo naua, ando najo uo ja dimbulule omapuko gauo.

ELAKA LJOOMEME.

Elaka ljoomeme oljo oshiljo shimue sholutu luomuntu. Kali shi ohema jouala omuntu he ji zala, aue. Oshiljo shika ngele tashi ehama nena omuntu u uuvite uuehame uudigu. Esiku limue nde shi didilike. Andija ndi ku hokololele shoka sha ningua esiku ndjoka.

Ecimbo tuu ndjoka nda longua moskola jokuHelsinki. Oshoka aakuluntu jandje inaa kala moshilando shoka nda menekela komukulukadi gumue. Omunaskola omukuetu a kala puje uo. Tua monacana esiku kehe no tua li hatu kundacana po iinima jiili no jiili. Aluhe omadiladilo getu inaga tsa kumue, manga tua kundacana ngaaka ihe inatu geja, aue. Tua li hatu tsikile ekundacano ljetu nuukuume nombili.

Esiku limue tua adika tua kundacana po oshinima shoka shomalaka. Oje a li iha popi oshisuomi. Elaka lje lilue. Okacimbo sho ka piti tua mono omadiladilo getu inaga tsa kumue nando nando. Oga halakana unene. Tua tsikile ekundacano ljetu navuulua tua geelacana. Ihuna jouala! Kehe gumue e hoole elaka lje no e hoole uo aantu mboka ja popi elaka ndjoka. Nando ogumue ina hala okuzimina omadiladilo galue kombinga jelaka lje muene. Ajehe jaali ja li ja diladila moomuenjo dauo:

„Okuume kandje ta puka unene. Omolua shike oje ita mono epuko lje? Usama u cike mpa! Inandi tseja ope naantu je nomadiladilo gatjangaaka!”

Ohoole ja sha taji vulu oku tu pukica. Noshu tuu ohoole jokuhoole elaka lioomeme haji pukica aantu ojendji. Ihe aantu mboka kaa uuvite ohoole jatjangaaka taa puka uo. Apehe ope naantu mboka kaje hoole elaka ljaauo. Aantu jatjangaaka tatu ja aada no mevi ndika ljaauambo uo. Ope nepulo limue nda hala ndi li pule. Aauambo ja longua tuu okuhoole elaka ljaauo? Pamue ojendji jomujo itaa tseja naua elaka ljoomeme oljo eliko enene. Pamue haa dini elaka ljaauo oshoka inaa dimbulula elaka ljoomeme li nesimano enene komeho gomalaka galue.

Tu leshe ni etumbulo limue melaka ljoomeme netumbulo tuu ndjoka melaka lilue Pamue tua li tu uuvite naua omatumbulo agehe gaali, tu nokuzimina kutja etumbulo ljotango lja popi iinima ojindji itaji tu etelua ketumbulo ekuauo. Tu nokuilonga omalaka galue. Ndi shi otse aanelago ngele tu shi okupopija omalaka ogendji. Ihe elaka lioomeme nali kale elaka ljetu ljotango tu li hoole no tu li longice nenjanju.

Lahja Lehtonen.

OSHIKOLOLO SHOMEGUMBO

EHANGANO LJAAGUNDUKA
JOKUTANGANJIKI.



OMIKALO DOMCHANGO.

6.

Okuenda nokukuutumba.

Otu shi shi ohole oyo etameko ljoondjokana. Ando puua nohole, andola oondjokana kadi po uo, oshoka ohole oyo tuu taji manglele kumue omulumentu. "Ohole oyo epaja ljeuanano oljokumangela kumue" (Kol.3:14).

Shika nashi holoke nomckuenda kuafuko. Manga taa ji mongerki, sho ja mana okuzala, oyo naa kuatacane ja tula omaako mumue, omulumentu a gameka omukiintu gue koluljo. Oyo ngele taa zi mongerki, ombushiki na kuata isheue omufuko gue e mu gameka koluljo. Mokuenda kuauo oje na kale e mu kuata ngeji ecimbo alihe. Efanu ndika otali holola notali tu fanekele ekuatacane ljhohole tali mono oonkondo okukela mumue sigo aluhe.

Mpaka onda kumua, auuambo sho ja fa itaa vulu oku shi ninga no inaje shi hala. Esiku limue onda mono ombushiki a lombuelua: "Kuata omufuko guoje koshikaha." Oje okua tindi nokua ti Na kuatae koshinkumbi shomumati." Oshu uuka tuu? Oje a fa a gandja po ohole je kumukua-u. Efanu ndika otali ti, oje a fa a pitika ngeji pokati kohole jauo pu kale omuntu omutitatu. Tse aakriste otatu njanjukua, aafuko ngele oyo ajeke taa kuatacana mesiku ljauro. Onakujakula itaa pumbua okuuitula moondjokana daantu.

Esiku limue onda mono ombushiki omukuauo a lombuelua: "Kuata omufuko guoje, tu jeni kongerki." Oshikumica shili, okue mu kuata kokanue ke kokanuegona ke, e taa ende ja huangalacana. Onde ja tala e tandi ti: "Tala ko uugoja: Ohole oja njanjalacana petamekolela: Akutu." Ekota ljuugoja mboka oljo uufudime uouala. Ando u tale shili nokukonakona, oto dimbulula, ohole oja holekua ouala meni. Tse aakriste otatu tegele ekuatacane ljaafuko euanaua itaali pangalua kuufudime nando.

Tua popi ano olueendo luaafuko, ihe ndi shi oyo haa kuutumba uo. Aafuko ngele taa kuutumba, naa kale koshipundi shauo ajeke jaali, ngele shi li po. Ngele iipundi iishona, naji kale ja tegamekua pamue. Osho je na okukamutumba ngeji je li puujelele taa monika kaantu ajehe ngashi pongalo nenge pomauvico. Aajakuli jauo naa kale mooha kombinga nombinga, ihe inashi opala ja kale koshipundi shaafuko, oshoka aafuko je na shili okusimanekua esiku ndjoka ljauro. Ondi shi shi, iinkumbi ojindji oja kunja po omasimaneko gaafuko mokukuata aafuko jaantu nomokukuutumba pamue najo nomokulja uo.

M.Kr.

Kuuninginino uetale lja Viktoria kuTanganjika oku noshilongo hashi icanua kaatiligane Bukoba, nando aavaleluamo ohaje shi icana Buhaja. Mpaka otua hala tu shi icane pashindonga Uuhaja niantu jasho aahaja.

Evangelini inali uuvika natango ecimbo ele mokati kaahaja. Aantu jotango oja shashua omumvo 1906. Omumvo 1917 ckuu kala aakriste 40, onumvo 1924 oja li po 3,000, nomumvo 1945 aakriste oja li nokuli je vule 25,000. Nando ongerki ndjoka ompe otaji kondjicua kaapagani nokaa-muhamed, oyo oji nomuenjo noonkondo. Shika otashi holoka uo mokati kaagundjuka jajo. Mpaka otua hala tu hokolole ehanganu limue euanaua lja totua kaagundjuka aahaja jo jene.

Ehanganu ndjoka olja totua komulungi cuugundjuka e'ina lje William Ewaruma. Oje okua langekua komukunda gontumba nokua peua ondjan bi jicilinga 5/- momuedi. Esiku limue oje okua lesa membo ljontumba etumbulo ndika: "Ehanganu oli noonkondo." Opokulesha mpoka oje a kuata kediladilo ndika: "otse aagundjuka otatu vulu uo okuhanganu, tu kuace oshiguanu shetu." Oyo oja kundacana nomusita guauo omuhaja, noja tameke ihe.

Esiku limue omusamane guontumba okua li ti itungile ondunda. Oje okua li kee na nando omukuaci. William naamati jahamano pokati koomvula 15-17 oje ja mpoka noja pula: "Tate, oto longo shike?" -"Otandi itungile ondunda." -"Otse otatu ku kuaca." "Kandi niimaliua joku mu futa." -"Aaue, tse itatu futua, otatu ku kuaca ashike." -"The kandi niikulja joku mu pa." -"Tse itatu pumbua iikulja, otatu ku kuaca ashike." -Aamati oja zi po noja galuka konima jootundi mbali ja humbata iiti niipandi jomuidi. Mbalambala oja tungile omukulupe ondunda je.

Omukulukadi gontumba a li ta humbata oshijuma shomeja. William naamati oojakuauo oje mu mono. "Meme, natu ku kuace?" Oyo ja fala omeja kelugo, noja jagaja megumbo, noja ka tjaja iikuni nokuli.

Megumbo ljontumba omu noosa, oshoka omukulukadi okua si. Uunona uamo itau ja ue koskola, oshoka pa-

mukalo guaahaja uunona mboka ua silua ou nckumuena kegumbo ecimbo ele, sigo okoomuedi lamano nokuli. Ihe William noojakusuo otaa ja ja talele po omusamane ngoka a si'ua. otaje mu pe uumaliua umue omaganu notaa pe uucigua iikulja. Omolu enjanju ljetalelo po ndjoka omusamane ita vulu okutinda, William sho ti indile a laleke uunona u je koskola.

Aagundjuka mboka ja William oja iluku "aakuaci jomeholamo." Oja tsikile ngeji okukuaca aantu uule uomvula jimue. Aatumua oju uuvu uo iilonga jauo noji icana William a je kujo, opo a putudilue naua oshilonga shoka shokuuilika aagundjuka. Edina ljehangano olja lundululua lja ningi "Omushubilo gwa Buhaja" (Etegamenu ljuuhaja). William a tumua komagongalo agehe a ka dike omahanganu ngoka g"Etegamenu."

Omugundjuka kehe gucmetanganu ndjoka ota futu 6d. momumvo. Miimaliua mbjcka 4d. otaga tu'ua meshikeca shegcr galo, manga 2d. taga cigala moshikeca shehangano. Omapeni ngoka otaga guana okufuta ondjambe ja William, iicilinga 7/- momuedi. Omunehanganu kehe oku nedidiliko ljehangano lja hondjelua kohema je. Medidiliko ndjoka omu nefanu ljombike tali faneke oshilonga oshidigu. Ehanganu ljomegongalo kehe oli noshikunino shaljo tashi pululua notashi longua oshiuike kehe kaanehangano.

"Etegamenu" otali kondjica uo endongo nomavu omakuauo. Omunehanganu e nokuuuvaneka, i'ikonakonika kaapangi, manga iinaa ja moondjokana. Miigongi j"Etegamenu" aapopi ojendji otaa popile oondjokana dopakriste nuujogoki uaagundjuka. Aagundjuka otaa longua uudano uanaua noondjimbo do oopala.


Okukonakona Ombimbeli oku neha lja simana miigongi "jEtegamenu." Ongulohi kehe josondaha aanehangano ohaa gongala mongundumbimbeli. Ajehe oje noshilongua shauo je shi longekida. Tango otaa pulua, je shi hokolole. Sho ja mana, omuuiliki guoshigongi ota fatulula otekisti ndjoka. Ehokololo ljokuhokolola oondjokana da Isak olja fatululua ngeji: Kevi ljetu otu nuudigu, oshoka omusamane ota vulu okuciminika omukadona a hokanue ku ngoka ine mu hala nenge ke mu shi nokuli. Rebekka okua pulua, ngele a hala Isak. Natse uo inatu cimini-keni aakadona jetu. Otse aakriste otu no-

(Moshifo tashi landula otamu popiua "Owaimbilo" nosho uo "Ongalo.")

Oshikololo shaagundjuka.



13. Utd gu va Mutaleni sho u tsejika no kopang'i omukuluntu, oje okua ti, Mutaleni na kale moshipangelo sigo ta aluka. Hanni nokue mu talele po kehe esiku nokue mu ulusile omambo ge ge nomafano



15. Esiku limue omunaskola omukuauo Petrus a tameke okutaga oondunga momilunga domolugumbo luoshipangelo nokua londo uo gumue omuleleka. Mutaleni okua toola oondunga do. Nena omukulukadi gumue sho kue shi mono, a ti: „Tegeleleni, aanona, omuhongi nge te ja ote mu denge.”

OMACIGACANO PO TAGA OOPALELE AAGUNDJUKA.

Okutseja omaimbilo


Omuuiliki (nenge omuhogololua gue) ta hiki nenge ti imbi eui ljeimbilo ljontumba, ha oohapu. Ongoka a tseja, eimbilo nkene tali tameke, ota mono oshitsa. Ngele a tseja onomola uo, ota guedelua isheue oshitsa. Ongoka ta likola tango iitsa omulongo, oje omusindani.

Okutseja Ombimbeli.

Omuuiliki ta tumbula etumbulo ljomimbili e ta pula mpoka lja li. Ongoka a tseja embo nontopolua noverse, ota mono iitsa itatu, ongoka a tseja embo nontopolua, ta mono iitsa ijaali, ongoka a tseja embo alike, ota mono shimue ashike.



14. Mutaleni a hala uo okuilonga okulesha. Oje nokua tameke okuja komusamane tate Alfeus ongoka a longo aantu jomoshipangelo okulesha nokutseja Jesus, okuume kauo. Mutaleni a hokua oskola unene. Omagulu sho ga li pokualuka, enjanju ndjo lja vundakanicua koluhodi ndu: e nokueca oskola.



16. Mutaleni sho a kala aluhe a suumbanda uomuhongi, oshoka ini igilila aatiligane, okua haluka oonkondo nokui ijaaka monasaresa. Okua endeke mokuti, ina tseja mpoka t'uka, sigo etango lja ningine, nomilema de ja ihe. Mutaleni a kuutumba pomuti a tila. Muumbanda ue a tameke okugalikana egalikano e li longua komusamane Alfeus: „Tate jetu u li megulu-” Nokuimba: „Ndi tile ndi kakame shike andola - - -” a tonua komposi nokua koca po ihe. Je ina tseja nando nkene omeho gahamano giilikama ge mu taalele.

ECIMBO ITALI GALUKA.

Ecimbo olja fiimaliua- ino li bepica. Ecimbo oli noonkondo- ino li kanica. Ecimbo oljo omagano ga zi ku Kalungano li longica naji. Ecimbo oljo okukalamuenjo- ino li teta pokati. Ecimbo oljo etameko ljuukuaaluhe- oshi li mutse jene, ngele otatu ka kala eso ljaaluhe nenge omuenjo gualuhe.

EJELETUMBULO.

Kape nambudi, ngele omulumentu nomukiintu taa lili pamue, ihe ngele gumue ta jolo, manga omukuauo ta lili, nena satana ta longo mokati kauo.

ODI LI PENI METESTAMENTI EKULU?

5.

Enjanju ljetu olja ningi enene, sho tua dimbulula ojendji ja kongo oohapu doka da holoka naale koho joshipalanjolo shika. Omboka taa tsejicilua kutja ojo taa mono Ombimbeli omagano omoluomajamukule gauo, otaa njanjukua uo, ndi shi.

Ngashingeji luahugunina otatu mu kongica oohapu dometestamenti Ekulu. Lesha ano naua oohapu dika tadi landula mpaka pevi kashona. Ngele u di shi mpoka di li, tu njolela u tu tumbulile oramata nontopolua nuutopoluagana (nokutja "ooverse"). Ejamukulo ljoje oli noku tu aada, manga omumvo nguka inagu hula. Oadresijetu ojo: "Omukuetu", Oniipa, Pk. Ondangua, S.W.A.

Muaamboka ja jamukula naua otatu hogolola isheue jaali mboka taa peua Ombimbeli moshindonga omagano.

Oohapu doka di nokukongua ngashingeji odo dika:

"Tenteka ko ombiga, ji tenteka.

Paka mo nomeja uo.

Paka mo noontumba donjama

- oontumba adihe oombuanaua oshitako noshooko -

ji uudica nomasipa omatoje.

Kuata oonzi, da hogololua, ng'u tule ko iikuni koho jajo.

Naji fuluke nokufuluka,

nomasipa uo ga pje nokuli.

Onke ano Omuaa, Omuaa osho ta ti:

Akuetse, oshilando shoondjonana dombinzi, ombiga, ja soshushi, ja kakatela ko, noshushi inajji za ko;

Ji mana mo, kuca mo ontumba nontumba: jo inajji aanekelelua.

Oshoka ombinzi, she ji tilehi, ja kala menljasho,

oshe ji tilehi kemanja, li li ouala,

inee ji tilahi mevi,

ji filhule ando ontsi.

Opo ndi shi ladikile uuladi uandje,

ndi shi galulile ondjahi,

onda tilehi kemanja, li li ouala,

ombinzi, she ji tilehi, opo jaa fililue po.

Onke ano, Omuaa, Omuaa osho ta ti:

Akuetse oshilando shombinzoondjo;

Eeno, ondumba jikuni otandi ji ndumbakanica onene.

Napa tjajelue po iikuni ojindji,

tema po omuliio, onjama ji paka po, ji pje po, fulukica omahoka, omasipa naga nike ocungu.

Ng'u ji tenteke komakala, ji li ouala,

opo ji pje, noshijela shajo shi hanje

nongaga, ja kala mo, -ji hemuke po,

noshushi jajo ji pje po.

Uupjakadi uoje ue u ipjakidilica ouala,

ihe oshushi ojindji inajji hula mu jo.

Oshushi jajo naji je momulilo;"

AAKUIILONGO....

dimbulula po gumue nguujaka a tile oje omukriste.

Kamaruko! Oto ka icanua tuu esiku limue u ka cigulule oshilongo shomegulu?

Nemasi na Vairimani! Mukueni okue mu hokololele tuu Kristus Omukulili gu'uujuni?

Eemi Nenye,

OKAANDJETU

UUSITA UOOMVULA 30.



mOshitaji:

David Nakanjala a si 29. 1. 55.
Lenna Nangombe a si 14. 2. 55.
Loide Soengo a si 15. 2. 55.
Suama Kronelius a si 17. 2. 55.
Elisa Nekuiita a si 24. 2. 55.
Juuso Salomo a si 25. 2. 55.
Miina Mpingana
Tomas Hofin a si 15. 3. 55.
Selma Johannes a si 20. 3. 55.
Selma Siimi a si 31. 3. 55.
Teotilus Josef a si 15. 4. 55.
Justina Teodor a si 18. 4. 55.
Petrus Filippus a si 5. 4. 55.
Martina Lasarus a si 20. 4. 55.
Selma Mvula a si 25. 4. 55.
Helena Shikongo a si 7. 5. 55.
Katrina Uusiku a si 13. 5. 55.
Frieda Filippus a si 12. 5. 55.
David Kapolo a si 9. 6. 55.
Maria Nendongo a si 14. 6. 55.
Alfried Augustinus a si 23. 5. 55.
Johannes Petrus
Emilia Nusiku a si 3. 7. 55.
Martta Silas a si 13. 7. 55.
Sem Mateus a si 23. 6. 55.
Lysias Iijambo a si 9. 8. 55.
Amalia Angula a si 9. 8. 55.
Fenni Kambonde a si 20. 8. 55.
Karl Abed
Sakaria Petrus a si 13. 8. 55.
Alma Iijambo a si 4. 8. 55.
Maria Katondoka a si 12. 9. 55.
Katrina Alfeus a si 26. 9. 55.
David Angula

AAFANEKI JE ENDE KOUA-MBO.

Omoluookuume ketumo mboka haa njengua okuja nkuka kuAfrika, Ehanganotumo ljetu na ndjoka lja Rynse Sending olji icana aafaneki oonkulungu okufaneka oshilonga shetumo muSuidwes-Afrika. Omafano gauo otaga kala ngoka taga injenge (njashi ngoka taga talua mu'bioskoop') nonge nomaluaala uo.

Aafaneki mboka oje ende mOuambo okuza keti 28 lja, September noja faneke oshilonga shetumo kOndonga nokUukuanjama, KCshigambo okua fanekua okagumbo kaakadona, noskola jeshasho, noshilonga shaajevangeliste, nokukala kuaauambo momagumbo gauo. KEngela okua fanekua oshipangelo noskola jaamati. KOmandongo okua fanekua aakriste ojendji ja gongalele

Kombanda joomvula 30, muOktober 1925, kOniipa okua japulua aasitagongalo jahejaali. Ojo auuambo jotango mboka ji inekelelua oshilonga shoka oshijapuki. Jaali jomujo oja mana oondjenda dauo naale; gumue okua kucua oshilonga she omoluo-kukala kue inaaku shi oopalela. Omutine a diginine ecimbo ele, sigo Omuaa okue mu zimbula uo nuumvo. Ihe natango mokati ketu omu na jatatu mboka ja diginine oshilonga shauo oshinene noshidigu uule uoomvula dika omilongo ndatu. Aasitagongalo mbaka aakulupe ojo Simson Shituaa kEndola, Sakeus Iihuhua kOnakajale na Nabot Manasse kOkankolo.

Aasitagongalo ajehe jongerki jetu sho ja i ja gongala kOniipa 22-23 lja September 1955, ootatekulu Simson na Sakeus oja li uo moshigongi shoka, manga uunku-ndi ua li ui imbi mukuaou omutitatu okucika ko. Oshigongi osha tumbula enjanju ljasho, ongerki ndjika jetu sho taji jakulua natango kaatetekeli mboka, nosha hambelele Kalunga ngoka e ja pe uudiginini u cike mpoka.

Mokupopica oshigongi tatekulu Sakeus Iihuhua okua holola; nkene Kalunga ha

longica aluhe aantu aankundi naaposi moshilonga she. Oshilonga itashi pula oonkondo domuntu nenge oondunge domuntu. Omusita e nokupula pamue na Moses: "Omuaa, ngame olje, ndi lice egongalo ljoje?" Kalunga ta jamukula mbala: "Ongame, hangoje." Onkee ano egalikano ljaasitagongalo olja kala ndika: "Otua hala, u tu hololele oonkondo doje nuunkundi uetu, opo tu kale nokudiginina oonkondo doje muunkundi uetu."

Tatekulu Simsoni Shituaa okua dimbulukica oojakuauo oohapu da Jesus: "Ongame ndi li pamue nane omasiku agehe". Omukuanjilua ota cigala kuvua ue, nando aakuiita je taa ji kiita. Ihe Jesus ta ti "Ongame ndi li pamue nane." Oje ite eca aantu je. Muudigu opo eli. Moshilonga opo eli. Meitaalo ndika aamati je otaa vulu oku mu hambelela ja tje: "Jaloo, Omuaa! Kala po, ngashi ua tja. Amen."

Oshifo shetu osha hala uo okudimbulukua ngeji aasitagongalo mbaka noku ja kundila po. Omuaa na hambelele omoludiginini ue e u holola mujo. Oje ne ja jambeke je ne ja koleke sigo kehulilo!

AAKUIILONGO JATATU.

„Tate, ila nkuka, mpaka ope naalumentu jatatu taa popi elaka kaandi li shi”.

Osho ngeji onda icanua ku meme efolo esiku limue, manga nda li omuhongi guokOndangua.

Sho nda ka tala ko, onda ada aalumentu jatatu ja kuuumba pokombica jetu taa hili omakaja. Omitenge dauo omidigu oja li je di tula pevi. Ondjembo jauo oja tula pongudi jongulu. Ajehe oja li po aaluude, ihe auuambo uo oja njengua oku-uva elaka ljauo.

Onde ja pula: „Kamu uuvite ko oshindonga nando okashona?” Oja jamukula melaka ljauo, ihe inandi uuva ko sha. Onda kambadala oshinduishi. Kasha li shi nekuaco lja sha. Nando inaindi tseja naua oshienglisa, onda kambadala uo musho nonde ja pula: otamu zi peni nomua hala peni?”

Gumue guomujo okua jamukula moshieenglisa oshiuinaji: „Otse ojo kuMatabele notua hala kuLuderits, ko'auue. Omdina getu ogo Kamaruko na Nemasi na Vairimani.” Mokutumbula edina kehe oje okua ulike muene gualjo.

Otua tameke okukundacana kashona, nando elaka ljoshienglisa olje tu njenge atuhe. Aalumentu mbaka jokuRhodesia oja hokolola ondila jauo. Sho nde ja pula omasiku ngoka ja kala mondjila, gumue guomujo okua ulukile ndje o ninue hetatu.

Onde ja pula uo, ngele ojo aakriste.

moshituci shauo pomushigakano ngoka gua dikua ko.

Ehanganotumo otali pandula ajehe mboka ja kuaca aafaneki mboka moshilonga shauo.

Tango ina uuva ko epulo ljangje ihe navuulua gumue okua tula iikaha kumue nokua rumbula: „Jesus Kristus”. Nena okua ligamene kegulu nokua jeluca oshikaha she shokoluljo nokua ti: Oje nguii Omukulili guandje.” Okua tala isheue oojakuauo jaali nokua lombuele ndje: „Ombaka aaue” Ano omukriste gumue okua li te ende naapagani jaali. Kandi shiuo ngele e ja hokololele tuu mondjila Kristus. Omambo inaindi ga mona komitenge dauo.

Oja lala maandjetu noja tsikile ihe ondjila jauo. Meme efolo okua guedele monguta jauo oluishi noondoha ndatu donjama. Mokulalekacana omukriste mokati kauo okua lombuele ndje: „Kalunga na Jesus Kristus na fute!”

Shoka osha li sha ningua mu Augustus. Mu April omumvo gua landula ko aandonge jamue oja ka konga iijamakuti kombunga. Mokuenda kuauo ojo ji itsu omasipa gaantu jatatu. Omasipa oga aadika ga halakanicua, gamue oga teka uo naji. Pamue aantu mbejaka oja li ja aadika kiilikama. Nenge pamue oja li ja gundile ko omolu enota, oshoka pujo opua aadika oombago da siikilua naua kadi nomeja.

Mokuuua ehokololo ljaakongo onda dimbulukua aalumentu mboka aamatabele. Onkee onda icana omukongo gumue nonde mu pula iinima mbjoka je ji mono pomasipa ngoka. Ondu uuvu okua aadika oomuma doliishi da tikila pevi nondoha jimue jonjama. Ondjembo oja aadika uo nkoka, ihe oja cigua ko kaakongo, oshoka oja li ji na iikogo ojindji.

Ano oko nkoka ondjila jaalumentu mbejaka jatatu ja hulile. Otse inatu ja tseja. Ihe pamue Omuaa Jesus Kristus okua Etsikilo kep. 6.

IILONGA JA KALUNGA.

Joh. 6:24-36.

Moteksti jetu omu nepulo ndika enene: "Natu ninge shike tu longe iilonga ja Kalunga?"

Sho shene otashi tu kumica, aajuda sho ja pula epulo ndika. Aafarisaji mokati kauo oja li je nejamukulo naale. Iilonga ja Kalunga hajo mbjoka ju uucua mompango? "Ino shi kuata, ino shi makela, ino guma ko!" Okua tiua: ando aakriste jongashingeji ja tale oonkambadala daafarisaji, ngashi ja li haa kambadala okuguanica ompango ja Kalunga, ando ngiika najo uo otaa ti: ojo aakristelela!

Ihe ando tu diladile naua oshinima shika. Omolua shike "aakristelela" mbejaka oja aalele Jesus komushigakano? Ando ojo ja longo shili ehala lja Kalunga, ando oja dimbulula uo elongo lja Jesus, oljomuKalunga. Joh. 7:17. Nando aafarisaji oja tseja momutse iipango omacele gahamano noja kambadala oku ji guanica, onkene tuu ojo inaa tseja ehala lja Kalunga, jo inaa longo iilonga je.

Osho otashi vulika nonena. Ope na aakriste ojendji jopampangò mboka taa guedele iipango kiipango notaa kondjo shili, je ji guanice. Ihe omaihepeko gauo agehe iilonga jomuntu, kaji shi ja Kalunga. Tala nokuli, nkene taa pula: "Otse natu ninge shike opo tse tu longe iilonga ja Kalunga! Omuntu ita vulu okulonga iilonga ja Kalunga!"

Komaleshelo gamue okua kundacana etumbulo ndika: "Kokuma nkoka ku nedimo ljomajonagulo, onkoka ku na uo omuenjo nelago ljokomuenjo." Nena omusita okua pula: "Otse otatu hupicua ano ngini?" Okua peua ejamukulo lja ji pombambo naji, gumue sho kua ti: "Otu nokugalikana nokulonga uuanaua."

Eeno, osho tse aantu tua hala okujamukula. Ihe ejamukulo lja Jesus oli ili. Oje ota ti: "Oshilonga sha Kalunga osho shika mu itaale nguka a tumua kuje." Ano otapa pulua shili iilonga ja Kalunga muene, ha mbjoka jetu. Otapa popiua evangeli, hampango. Iilonga jetu otaji pangulua, sho taku tiua: "Kapu na nando onjama jimue taji juukipalicua kiilonga jompango." Gal. 2:16. Ihe kepangulo ndika okua guedelua esilohenda enene: Uujuuki ua Kalunga oua hololua uua nompango." Rom. 3:21. Otse itatu pulua, tu guanice iilonga. Otatu pulua ashike, tu taambe oshilonga sha Kalunga meitaalo. Oshilonga sha Kalunga osho shoka, sho tatu endelele ku Kristus tuua niilonga ja sha, tu nomapuko noompumbue adike. "Oshoka mua hupicua keitaalo omolu esilohenda, ljo inaali za mune jene, - oljo omagano ga Kalunga - hamolu iilonga, opo kuaa kale nando ogumue ti isimaneke." Ef. 2:8,9.

Kevangeli ndika otu nemanguluko euanaua. Nani neitaalo uo kali shi oshilonga shetu. Naljo uo omagano tue ga peua ku Kalunga. "Oshoka Kalunga oje tuu ta penduca mune nehala niilonga, ohokue je ji guanice." Fil. 2:13. Ano ehala lja Kalunga oljo ndjoka oje muene a longe iilonga je. "Ehala lja Tate oljo ndika, shaa ngoka ta mono Omuuana no te n.u itaale, oje e nomuenjo guaaluhe." Joh. 6:40. Tala ombunda ja Jesus, nkene ja dengua iilalo taji tika ombinzi. Opo mpoka to mono ehala lja Kalunga.

ILANDELA OMBIMBELI:

Embo ndika otali holola omadiladilo ga Kalunga, nokukana kuomuntu, nondjila jokuja kehupico, nonkale!o jaalunde, nelo ljoitaali.

Olongo ljaljo oljo ejapuki, omalombuelo galjo oga kola, omahokoloio galjo ogo shili, omatokolo galjo kage na elunduluko.

Lesha embo ndika, u imonene oondunge; li itaala, u imonene egameno; kala ngashi tali ti, u imonene okukalamuenjo okujapuki.

Oljo li nuujelele uokuminikila ondjila joje, niikulja jokupaluca omuenjo guoje, nehekeleko ljokutalaleka omuenjo guoje.

Oljo li li po omuuliki guomueendana ndjila, noluoondje luomundunduiila, negongamuele ljomukuiita, nomupopili guomukriste.

Omulo otamu monika oparadisa ompe nomueelo guegulu gua eguluka; nosho uo iijelo joheli ja hololua muljo puujelele.

Oljo otali hokolola Kristus, notali kondjele uuanaua uomuntu, notali lalakanene eadimico lja Kalunga.

Oohapu da Kalunga nadi uude momadiladilo getu, nadi pangele oomuenjo detu, nadi uuce okuenda kuetu,

Kala u necimbo moku li lesa, lesula shoka ua lesa, ngu leshe nokugalikana.

Oljo olucicija luujamba, noparadisa jeaadimo, nomulonga guenjanju.

Oljo olje tu gandjelua mokukalamuenjo nkuka, tali ka pandjua mepangulo lja hugunina, notali ka kala ljaa shi kudimbua.

Oljo oli shi kuinkelua noli shi kukonakonua, ihe oli shi kupangula uo ajehe mboka taje li longica muukeenakrasha.

Embo epe lja holoka li nedina ljaljo Ongundumbimbeli. Oljo tali minikile omukriste kehe te li ilandele, oshoka oljo onjeka jimue jomiiljo jOmbimbeli. lja njolua komusitagongalo
Timoteus Andreas
Tali landua -/9.

Ouenda uomukriste lja holoka uo. Tali landua 4/-

Ompango taji lombuele omuntu: "Diginina okulonga, ino eca! Pamue esiku limue oto ka guana." Ihe evangeli oli neu li ili. Otali ti: "Ila u tale Kristus! Oje okua guanica ajihe. Ecimbo ljetegelelo olja pua. Pulakena elaka tali ku lombuele oshilonga sha Kalunga sha guana sha pua. Pulakena isheue niisheue, oshoka eitaalo ohali zi mokuuva."

"Pulakeneni, oomuenjo deni di tulue omukumo." Jes. 55:3. Otse aantu otua hala okuipakela po oshikuiila shonguta, opo tu ka cike megulu. Ihe oshikuiila shomuenjo itashi pakua po komuntu, otashi zi ku Kalunga muene. Otashi kuluka megulu. Otatu shi peua ouala. Otashi peua aasindjala mboka ja dimbulula kntja iikuiila jauo jene ojo oola, kaji nekuaco.

Esa Santakari (Suomi)

OMASHINA OMAKUMICI.

Okuza komacimbo gonale aantu oja kambadala okupangela iilongico nomashina oku ja kuaca miilonga jauo. Omagulu gomujendanandjila ohaga vulua; omagulu goshihauto itaga vulua, Ongoka ta njelulula oshinjolua shontumba nando luntano, ita hala ue okutsikila; eshina ljoshinjanjangido otali shi ningi luomajovi nomajovi puua ncmvulue ja sha.

Ihe otatu ti ngini, omashina sho taga kuaca aantu nomoshilonga shokudiladila.

Omashina gokujalula oga kala ga tsejika nale nokuli. Omuntu ngoka a hala okuindjipalica tu tje 37689 X 798 ota ji keshina lje nota topatopa mo ooncomeri doka hetatu. Nena ota kueja po lumue aluke e ta lesa meshina ejamukulo lju uuka 30057822.

Kiijeelo joongulu oonene moka aantu ojendji haa ji mo nohaa piti mo otaku longicua omashina gi ili gokujalula mboka taa piti mo. Kiikulo oku nuulamba uusho tau taalelacana. Oonte dauo itadi monika komuntu, ihe kehe lumue cmuntu sho ta piti mo nota tete onte ndjoka, eshina otali shi jalula Ano ngele omuntu ta huamica eshina ndjoka ongula, oje ota vulu okulesha mo ongulohi omualu guaantu mboka ja pitile mo omutenja aguhe.

Moomvula dika da hugunina oonkulungu dolusheno oja pangele omashina omakumici shili. Ogo oge nuulamba nuundalate nuunima uukuao tau uudica ondjugo ajihe. Omupangeli geshina ote li uuca naua, a fa te li "longo" omijalu adihe. Eshina ngele lja pu kulongekidua ngeji, otali jalula ihe omijalu domaludi agehe. Omapulo nge taga topatopelua mo, eshina ljo ljene otali kongo omukalo omuanaua guokujalula. Otali indjipalica notali topola notali tula kumue notali pungula omajamukulo agehe ngoka tali ga mono. Omuntu ota tegelele ashike a tala eshina nkene tali longo. Sho pua piti ngiika ominute jimue, eshina otali gandja ejamukulo ndjoka omuntu a njengua oku li mona, nando a jalula omimvo odindji.

Eshina ekuauo otali lundulula omalaka. Tango oljo otali "longua" iitja ajihe jelaka ljontumba nomalundululo gajo melaka ekuauo, nosho uo oompango domalaka ngoka gaali. Ihe elongekido ndjoka sho lja pu, eshina ndjoka oli vule omutoloki kehe. Shaa tuu omatumbulo gelaka limue oga tulua mo ga topatopua pamukalo guontumba, e-

Ngele ua hala okuilikolela oondunge di ili no di ili endelela okuinjo-

OUNJUNITAU TONGO SHIKE

SUIDWES.

MU WINDHOEK TAMU TUNGUA

Pefimbo lomudo umue okudja 1 Julie 1954 epangelo lohilando sha Windhoek sha dimina mu tungue eengulu 319. Oimaliva tai pumbiua metungo olo i fike peeponda domiljoni imue

OVATILIAANE HAVA MONO OUNONA VAHAPU.

Okudja 1 Julie 1954 fijo 30 Junie 1955 mu Windhoek omua dalua ounona ovatiliaane 471, eebasteri 71 novalaule 185.

Omua fja oule uefimbo olo tuu olo ovatiliaane 75, eembasteri 30 novalaule 200.

UNIE.

KONJALA OMILJONA JOVALAULE JA JA MOSKOLA.

Otaku tiua ounona uovalaula ve fike 900.000 ova ja moskola ndele natango omuvalu tau hapupala.

OMUFITA OMULAULE A HUMA KOMESHO

Omufita omulaule M. L. Maile okua hanga oundoktora uelongo loukalunga moskola jokombada mu Amerika mokulihonga muene ha moskola oule ueedula 7. Nale okua hanga ongatu jotete melongo loukalunga nonivali jo. Oshinjolualonga shaje oshokombinga jelongelokalunga noinakua-nifua jovalaule moujelele ueendjovo da Kalunga

Omufita Maile okua li tete omulongi Eshi a hulifa oskola jaje mu Stofberg-ge-denkskool momudo 1936 okua ninga omufita. Oje okua li omupamaano uoitau

shina otali piica mo omatumbulo tuu ngoka melaka ekuauo. Oljo kali na mpo tali ka dimbua oshitja shoka sha tulua mo, noshilonga shaljo otali shi longo mokacimbo kouala.

Eshina ekuauo otali popile isheue oshilongo pecimbo ljiita. Oljo otali fa neke odila jaatondi, manga oji li natango kokule, notali jalula ondjila ndjeka taji ja najo. Okacimbo tuu nkoka eshina otali caneke ko ihe ondjembo ja kola notali umbu oshikuti shoka shi na uo eshina limue meni ljasho. Eshina ndjoka li li moshikuti tali shi gojola notali shi uukicile aluhe luokodila jaatondi, sigo otashi ji aada notashi ji jono po. Ajihe mbino omashina ngoka otage ji ningi puua na nando omuntu, shaa tuu ga longekidua naua.

Eshina limue olja longekidua li dane uudano uontumba ua fa kashona uuholo. Omuntu okua tameke okudana naljo. Ihe omuntu ngoka

lica moshifo shOmukuetu.

nomushangi jo. Ope na ihapu e i ringa ja shangua.

EENGULU DIKULU DETUMO LA RYNSE MU KAAPLAND.

Nale manga etumo longerki jeemburu kua li li he na eeñgono okufila oshiso oilonga jetumo okua li la kuafua komahangano okombada jefuta peeñele dihapu nomokudika eengulu detumo mokati kovalaule. Omahanganotumo atatu a e ile mu Kaapland a dja mu Duitsland oo Morawiërs, Rynse na Berlynse Sending. Morawiërs ovo tete nova dika Genadendal. Berlynse ina va kala mu Kaap ova ja luokoumbangalañu. Rynse ova hoolola edu la Kaap nove ja mu Namakwaland fijo va ehera ku Suidwesa Afrika. Eemadi davo dimue otadi monika jo koshitukulua shokouninginino. Momalunduluko omafimbo oitukulua imue jomahangano a ovanduisi oja ninga jehangano longerki jemburu. Keudafano ovarynse ova jandja eengulu dimue momake etumo leemburu keedula da huuniuua eshi etumo la Rynse la njengua okulonga peeñele dihapu molu eemumbue dovahongi. Opa udafanua omaongalo a a ame ketumo leemburu. Eudafano eli ola jelekua naua. Eongalo limue alike mu Kaapland lomu Wupperthal li li natango momake etumo la Rynse notali letula ku Suidwes.

Ehanganotumo la Rynse oli na efinalo mu Duitsland mu Barmen. Etumo ola hovela kuinja 1828. Ola pendulua kovakriste va huama momikunda da Rynland. Eti 7 Oktober 1829 ovatumua va Rynse votete va heluka mu Tafelbaai. Ovo ova li Theobold von Wurmb, Johann Gottlieb Leipoldt, Gust. Adolf Zahn en Paul Daniel Lückhoff. Ova fija omadidiliko avo moitukulua ihapu. Movakokolindjila ava vane Lückhoff okua ifanua a ka kuafe etumo leemburu mu Stellenbosch na Zahn okua

okua njengua, oshoka eshina inali puka nando olumue. Omuntu shokua kambadala okuninga sha, shoka inashi tsa kumue ncompango duudano mbaka, eshina olja holola okambapila ka njolua: "Ua puka", nolja tindi okutsikila, sigo omuntu a pukulula epuko lje.

Omashina ga tja ngaaka omakumici otaga diladila tuu go gene. Aau, ogo kage shi kutota omadiladilo omape. Ogo otaga landula ashike omuuco ngoka aapangeli jago oonkulungu je gauuca, sho je ga pangele no je ga longekida. Ihe moku ga landula eshina lja tja ngaaka oli nuudigu neneleleli li vule omuntu kehe noonkondo. Omasiku gomuntu itaga guana okutsakanica omijalu doka eshina lja tja ngaaka tali di jalula mominute jimue.

Oondunge domuntu ngele da guana okupangela omashina ga tja ngaaka, nena oondunge dOmushiti guaantu nogu'uujuni auhe odi cike peni

ifanua kele'otumo lomu Tulbagh. Aveshe vavaali ova dimina noilonga oja punikua naua ei va longa meedorpa edt. Leipoldt o'tua landela ehanganano cñe mu Sederberge nle ta longo mo manga von Wurmb okua tunga Ebenezer.

APA TAPA SHIKULA EHOKOLOLO LIMUE TALI HOKOLOLA JOHANN GOTLIEB LEIPOLDT OJE UMUE MOVAKOKOLINDJILA OVO VANE VA TUMBULUA KOMBANDA.

Omuitaveli omuduisi omulongi ueñkaku a li ko mounjuni ua ja. Okue lidilulula shili nokua kala ha likolele Omukulili ovañu. Efiku limue manga kua li ta longo eeñkaku pomuvelo opua koñkola. Eshi a jeulula po okua dimbulukua omupangeliñkaku umue ta kongo oilonga. Rhalenbeck okua li e na alushe oilonga mostora jaje jeeñkaku nomukulukadi uaje okua li e shi shi kutja ovakongi voilonga alushe obava kala ve kuetiue kondjala onke okue mu pa diva diva oikulja. Konima okua hovela ne cilonga nomuhona uaje mupe. Oule uefiku okua popja nge ovakuluñu vaje ovafjona na kutja okua dalua 1803 noje omukulu ua vahamano. Efiku la shikula okua kala ngo naua ndele eli la shikula vali okua fikama ombadilila a je. Rhalenbeck okua li a njika oluhodi nokua hala okuuda etokolo lombadilila apa la dja. „Omusamane Rhalenbeck, itandi dulu okukala meumbo loje efimbo lile". „Omoluashike? Oua hala u ka kenge oilonga iua?" „Aije". „Oikulja kai fi iua?" „Hasho". „Eua, eta hano oshili". Oje okua popi a kenjanana ta ti „Omusamane, eilikano lomeumbo loje itandi li dulu. „Mukuetu", osho a popja manga ta mtabala omunjasha komapepe, „tale nge naua momesho. Udanekela nge u kale po omafiku manini. Nge nge inashi ku uapalela inda ne ngo hano medina lOmuene" Omunjasha okue mu udanekela a kale po omafiku ahetau. Rhalenbeck okua ilikana nohoole noudinine ha mouike ashike ndelene nopoardaha opo omunjasha ha ongala jo. Divadiva Leipoldt, cje omunjasha ou, okua koneka kutja oku li meumbo lovakristelele. Ohoole rouua ou a meke'a ina dula va i okutuvika omutima uaje. Eeñgono dohoole ode mu finda. Onguloshi imue moshiongalele shovakriste okue lijandja kOmukulili nokua ninga omunailongo nomuendanandjila ta ji ku Kaanaan sho meulu. Rhalenbeck okua njakukua unene eshi Leipoldt, a fija po oilonga jeeñkaku nde ta ka ninga omulongua moskola jovatumua jehanganotumo la Rynse mu Barmen.

Omudo 1829 Leipoldt okua hovela oilonga jetumo mu Suid-Afrika vo na Zahn na Lückhoff. Keeñgono doñenda ja Kalunga okua tunga eengulu detumo mu Wupperthal. Konima joilonga jepuniko leedula 44 okua ka nangala mOmuene. Keebriwe odo a shanga a hokolola oilonga jaje ovañu vahapu vomoshilongo omo e lidilululila ove lidilulula jo. Mouike uaje okua li e shi kutja otave mu ilikanene.

Omukañga uomu Wupperthal ou li ua kola fijo onena. Leipoldt ka li omupangeliñgaku ngaho, osheshi Wupperthal otashi litangele ofabrika jeeñgaku omo hamu udika omahambleleloimbilo okuholola oukriste nohoole ojo ja kuata ovalongi vamo.

AALESHI TAA NJOLA

AAHOLIKE.

Aalongua jandje aakulu
naakuluntu jetu amuhe
nookuume ketu akuhe.

Otandi mu kundu.

Peha lja meme naamuameme na
nekulu ljangje, otandi mu pandula
unene, oshoka mue tu minike noma-
ke nomue tu popicica oohapu oo-
mbuanaua domatalaleko omoosa da
tate noda tatemueno, nuumvo. Jamue
mue tu njolele oontumuafu oombua-
naua dehupulucio notui inekela jamue
mue tu dimbulukua momagalikaneno
geni omo'kucigua po kuetu. Otandi
pandula shili one amuhe. Natse tua
hala okupandula pamue nomuntu gu-
Omuua mepsalmi 36:6. „Omuua, esi-
lohenda ljoje hali ciki sigo kegulu,
nuudiginine uoje sigo kiikogo.“

Sho mue tu dimbulukua ngeji.
Kalunga ne mu jambeke uo amuhe.

Julius Aatu.

OMAKUNDILOPO.

MATEUS DAVID Otjivarongo ota ti:
„Ino dana nuulunde otatu ku pilukile e tau
ku li. Tonda uulunde; itaala Omuua Jesus, e
to hupicua.“

SAKEUS MELA Klein Windhoek ta
njola ngeji: „Penduka, Jesus ta tegelele u
eece uunkolui, u lilile oondjo doje onga
Petrus.“

JOHANES SIMEON Abenab ote tu
kumagida tu kale aadiginini sho ta ti: O-
mukriste aguhe ngele ta zi kombanda jevi
oku na okuenda nomushigakano gue ngoka
e gu peua esiku ndjoka a shashua. Ihe nge-
le ue gu kanica nena ua kanica omuenjo
guoje. Diginina ano omushigakano guoje.

HOSEA LEONARD Gobabis a hala
tu kale tua huama mokulongela Omuua sho
ta ti: Ongoje omukriste omukuetu, Omuua
Jesus ta tegelele u hokololele aapagani
oshiidji shoka ue shi peua kuje. Tu kaleni
mekondjo ljarahili.

SIMON J. HAMUKOTO Mariental ta
pula ngeji: „Ua hala tuu Jesus e uje paife
opo u ke mu shakeneke nehafo? Ile oto ti-
la ngenge ta holoka? Omuene ota ti: „Ka-
leni alushe mue lilongekida osheshi inamu
shiva efiku notundi uuna Omuene ueni te
uja.“

OKUHUNA KUOMUNU KU DULE KUOMBUA.

Ovanjasa ovaholike ovauambo o-
ndi na unene oluhodi molueni eendjo-
vo da Kalunga tadi ti: „Ehandu la
Kalunga tali di keulu li hange odino
aise noukolokosi uaava hava kelele
osili noipupulu (Rom 1: 18). Nohatu
lesha osipango oshitivali etumbulo tali
ti: „Osesi Kalunga ita efa ina handu-
kila ou ta tongele edina laje oinima
jongaho“

Ondi li po nda tila mefimbo eli
ovanjasha vetu ita va tila okutongela
edina la Kalunga oinima jongaho. Mo-
mapsalom otu na oitja imue ojo tai
hambelele Kalunga ngashi oshitja:
„Halleluja“ na Ombimbeli tai tu lo-
mbuele okuna oshilongo shovajapuki
Jerusalem, na Ombimbeli tai popi Kalu-
nga omujapuki (1 Petr 1: 16).

Ndele ondakumua eshi nda uda
omumati umue ta imbi nota ifanua ku
vakuauo oje vati: „Halleluja“ umue
oje Shilongo sovajapuki. Vamue va ti
vamona Kalunga ta kande. Vakuetu
nje. Haihuna ojo ovanjasa vakuetu.
Okuhuna kuomuñu ku dule kuombua
omahombolo opakriste omo to mono
oo Halleluja noo Silongo sovajapuki,
oihuna. Ehandu la Kalunga tali kulu-
ka tali di meulu li hange odino aise.

Onke ovanjasha ovaholike ava
tamu danauka ngaha nedina la Kalu-
nga ohandi mu kumaida otamu li
silile epangulo lidjuu la Kalunga. Oku
na jo omaimbilo majapuki taa imbua
nai. Efilonkenda la Kalunga tali se-
kua ndi shi efilonkenda la Kalunga
tali tu putuda jo tu efe okudina Kalu-
nga (Tit 2: 12).

Ovanjasha ovaholike va Kalunga
ohandi mu kumaida mOmuene onje
mua kulilua ku Jesus Omuene uetu,
avese ava tave mu itavele va hakane
ndelevamone omuenjo ualulushu (Joh
3: 16) osike mua hala okuli kanifa
njevene kokuseka ngaha oujapuki ua
Kalunga. ajee alukileni ku Ho jeni
Kalunga ote mu papatele momaoko
ohole jaje.

Ohandi tila unene sasi: Okuhuna
kuomuñu ku dule kuombua.

Paulus Andreas.

u' uujuni. Oshilando sha tungilua kondundu
itashi uapa okuholama; ongashi onjeka jo-
magadi ihaji temua ji tulue koki jontungua,
aue, okoshihukikua no taji minikile ajehe je
li megumbo. Oshongeeji nuujelele ueni nau
jele montaneho jaantu ja mone iilonga jeni
iuanaua no ja hambelele Oho jeni jome-
gulu.“ Mat. 5:14-16.

B. Hamukuaaja.

AAJELUCI JONJEKA.

Oshigongi shaagundjuka jo mOshiga-
mbo osha peua edina ndika: „Aajuluci
jonjeka.“ Mpaka tapu landula ehokololo
ljoshigongi shika.

Esiku eti 23 Junie 1954 aagundjuka jo
moshigongi shaajeluci jonjeka oja dana esi-
ku ljauro. Esiku ndika olja li po shili enja-
njudi oshoka kakua li kua monika nale
esiku ngandika moshigongi shika. Osho lja
li lja holoka nuupe nuuanaua ualjo
no inatu hala oku u dimbua nando. Oshi-
gongi osha li sha tamekicua ondjimbo ndjika
504. „Aagundjuka tu jeni.“ Na opua
holoka aagundjuka je eta po oohapu do
moohapu da Kalunga nuuhokololo ouindji

nuuteuo uuanaua nuunjanjudi. Opua li pu
nomutumbuli guoondjimbo nosho uo omu-
hiki guokahumba noonjimbo odi imbiua
puamue nokahumba. O, uaa li moshigongi
shino, ino tala! Ajihe ja li ja ningua mo,
oja li taji lalakanane okupenlula aagundju-
ka moomposi duulunde; jo ja taalele omeho
gauo komutameki nomuguanici gueitaalo o
Jesus. Otu uvite ojendji oja li ja popicua
moomuenjo dauo esikushigongi ndika.

Mesiku tuu ndika omo mua li uo
ongalo jaagundjuka. Na ongalo ndjika ojo
oja li po jotangotango moshigongi shika
shaajeluci jonjeka. Ngashi nale kakua li
nando kua ningua ongalo moshigongi shika.
Onke tu uvite kutja: oshili ndika kali shi
okudimbiua. Shila ngoka te li dimbua okee
shi omugundjuka. Ongalo oju umbiua ma-
nga ondjimbo 251. „Omuua tu pa Ombepo
joje.“ Iji imbiua. Aagundjuka oja li shili ja
ja huama mokuumba ongalo jauo. Omua
monika shike ano mongalo ndjika? Iicilinga
omulongo niijali notiki. U uvite ko!

Oshitafula sho moshigongi shaajeluci
jonjeka osha li shi nemoniko eumaji. Ihe
omolu ehua mo ljaagundjuka, osha mono
elapi ljokujalua ko ljotangotango miimaliua
tuu mbika jotangotango, lja landua iicilinga
ihamano. Osho uo omadina gaagundjuka
jojene, oga li haga njolua moshifo shouala.
Shi nuupu okukana nokujonuka mbala, sho
itashi longo ecimbo ele oshoka oshishona.
Pua landua uo niimaliua jo mongalo jota-
ngotango embo ljomadina, li shi kulonga
omimvo nomimvo. Na olja landua iicilinga
ijali notiki. Uuanaua auhe mbuka ote tu
zile mesiku tuu ndika ljotangotango. Onke
uuanaua ua tjangeji otatu tegelele u holoke
uo miimpanagongi jo moshigongi shaajeluci
jonjeka mOshigambo; pomacimbo ngaka no
komeho uo. Taa hala nokuhalelela ehua mo
ndika li kale miigongi ajihe jaagundjuka
mouambo oshoka okukala nkuka otaku tu-
ngu uuanaua ouindji uopalutu no uopa-
muenjo. Omuua Jesus tati: „One uujelele

kukuatela oshiguana komeho mondjila
jeitaalo ljopakriste.“ Konima jefatululo
otaku imbua omaimbilo, notaku uuva-
canua iilonga jomoshikunino. Pamue
otaku uuvanaua uo aanehangano ja
ka talele po oojakuauo mboka taa
aalukua nenge ja silua.

Ehangano ndika olja dikua omu-
mvo 1937. Omutameki gualjo William
Bwanuma oku na ngashingeeji oomvula
di li popepi no 35. Oje ota gongele
aauiliki jehangano miigongi jauo luuali
omumvo kehe.

Aagundjuka otaa gongala uo mi-
tuci iinene moka mu nomauuvico,
nomagalikano, noluimbo nomatalico
giilonga jiikaha, nomacigacano moku-
tseja momutse ooverse domOmbimbeli.

Ehangano ndika lj“Etegameno“
otali holola uukumue uaakriste nohoole
jauo jokukuacacana. Oljo lja ningi oo-
nkondo domagongalo nenjanju uo ljago
enene.

Oui ilandele nokuli oshifo
shomumvo 1956.